

弔魂漢壽祠前重回首短筇猶想立黃昏  
悠悠末路謀生苦穰穰羣奔為利來薄宦得勝閒裡  
過畏塗合鴛冗時回誰知竹實療飢鳳却變錢神作  
禍胎我老不堪多感愴一污還為素絲哀  
憶初同舍在共城短小於中最幹精取舍近看臨老  
節鋪謀全異早年情舌端雄辯堪排難霜後寒蟬了  
不鳴重念人生生可貴世間萬事一毫輕  
南來作監無多事舉手差池便兩分細論是非俱有  
說大綱向背不同羣以身死事從來有為貨輕生古  
罕聞不獨衆傷非正命秋空低處有愁雲

謝道人惠竹

春露堂成戶牖空閑藏無物禦深冬長梢來覓筠溪

種祥祉思憑道蔭功清泛細香添瓦鼎靜連秋月想  
叢烟夜來紙帳梅花夢已在融融和氣中

筠溪軒詩卷補亡

筠溪舊有亭甚雅往年為秋潦所圯亭與  
詩卷俱波蕩不存今歲冬來遊紫微道者  
丐余詩將欲補亡且致重構之意仍為賦  
此中間飲客蓋廿八年前同遊者侍臣陳  
季淵奉使覃煥然河平牧今右丞史晉臣  
禮部尚書王子勉侍御史雷彥正與不肖  
紫微道者威儀杜大用也時乙酉十月廿

一日

重到筠溪二十年眼中風物頗蕭然雙旌尚憶經行

處八客同來作飲仙露濕雲梢回曉翠月明瑤圃淡  
秋烟道人說是瀟珍客更看飛棹碧淵樵

慶雲鸚鵡杯

桂魄淪精貯海波神光分秀入紅螺御霏護暖圓蒼  
腹丹啄嫌寒縮翠窠縱飲雅當豪客意垂雲無復綠  
衣歌一樽細泛江山筆夢到芳洲碧草多

鸚鵡螺

翠衿紅嘴漫多知不覺流形入化機悽斷隴雲迷舊  
宿潤涵炎海有餘輝酒波碧飲珠還浦螺女棲深玉  
作圍昨日玳筵揮飲處故令歌緩恐驚飛  
自嘆明言出更難奮形飛入巨螺間中空蜃吐潛珍  
羽外示文明變炳彰春醪儘供身後樂雕籠全勝向

來閒深藏且莫輕為用合浦珠神有往還

何年犀火採螺江一竅重開混沌蒼解語已迷青鳥  
使幽居渾是雪衣娘海苔暈碧猶霑濕慧舌能嬌自  
閉藏莫遣繡簾明月入湘妃窺伺恐携將

隴鳥何年別故山珠房深鎖雪衣閑調音厭落佳人  
後勸飲來陪狎客間小鬼吹燈驚怪供春風浮酒漲  
蒼灣興來一吸三江盡醉入無何肯易還

肯易一作不要  
醉字一作運

飛潛相化理堪驚老蚌還成隴鳥形鱷吸似憐唐相  
飲江沉應笑屈原醒坡陀海露神鼃窟激灩波翻竹  
葉馨我老探奇心尚在醉來歸夢繞螺亭

隴禽辭慧世同誇何事將身學海蝸江月洞空珠有

淚卿雲覆體玉生花回天不入深宮夢樂聖欣歸左  
相家常憶郡樓初飲處頓令觥斝失光華

至元十年官居平陽時監郡邀余飲白雲樓上出此器勸客余初見之故云

札刺解斷事官系出

中朝勛族憲讀書溫雅尚禮樂與賢士夫  
相接過衛來訪慇厚之意無以相答謹作  
是詩為贈且見夫妙齡英發之氣云

赫赫金張奕葉崇濟時還屬黑頭公讀書志在諸君  
右奉 命名高畫省風一札 恩光寬大裏八州刑

憲笑談中

皇家求治如飢渴莫後當朝補袞功

錢王倅北行

邛衛從來八達衢三年不易貳為車一官聊爾開公  
道四海能行即丈夫花外驛亭留故事日邊消息聽  
新除諸君若問民間治最重無輕是使符

壽卿兄君玉評事

七十平頭鬢未毛久將家事付兒曹心便教子初無  
惜日喜延賓不厭勞花木漸成林下趣襟期猶是邑  
中豪年年櫻筍堂前客常對珍珠滴小槽

送從事李廷玉北上

邛衛從來四達衢三年不易叟長裾持心有道清廉  
在遇事能方長厚餘入幕不知王儉客携行惟見怒  
軒書揚清激濁 朝家事不信銓曹止舊除

秋欄四詠為仲略弟皆有和章時丁亥秋

李也

宜男

松菊庭前草半變幽花含笑發春腴暖回堂背孤根  
秀畫出宮池百子圖泥露冷搖金鳳淡翻香重上髻  
雲烏怡然坐對忘憂外披拂餘芳任蝶鬚

寒菊

三徑歸來已就荒更堪風雨過重陽似憐楚些清吟  
苦留在寒花晚節香黃蝶有情時見過綠樽無酒淡  
相忘滿條五柳門前路何處斜川接醉鄉

秋蝶

舞困春光興未窮又將心事戲秋風凌晨趁暖翻朝  
煦薄暮栖香入菊叢幾夜留連迷曉夢誰家圖寫出

深宮翩然不逐韶華老飛過畫欄西復東

薔薇

葉下亭皋百卉空秋陽分暖發春叢重滋芳露供坡  
墨兩見嬌黃出漢宮要伴紫荊昌晚節肯容鮮菊擅  
西風結根得所元來盛返物為祥恐未公

謝趙主簿惠古餅

貯藏元氣閩重泉土暈苔滋碧頸圜朽腹戒貪瞳兩  
餐佳城定日見千年茂陵神益知金重銅爵澄泥比  
玉堅聞說插花多結實露堂從此得春先

上巳日禊飲林氏花園舍弟仲略首唱

蠟蟻香浮金巨羅一聲清艷過雲過千年盛節稱元  
巳四座佳賓到永和曲水風流清興在茂林依約綠

陰多柳圍儘帶餘微去未礙花枝照鬢皓

和韻三首

朋盍華簪擁佩羅秉蘭聽我醉時歌柳圍泛灩風漪  
去樂事追隨獻歲和座近綠陰花氣重步携紅袖野  
吟多杯行到手須沉醉六客樽前我最儲  
春晚衙門厭雀羅臨流來詠舞雩歌喜從多士明卿  
飲趣此春風扇物和林下幽香蘭草暗樹頭乘暖野  
禽多楊花也惜芳筵散糝亂溪橋似雪皤  
麗日晴川艷綺羅琵琶聲起紫蘭歌衣冠盛集有今  
日花柳春風覺太和闔郡浮觴從此始百壺載酒未  
為醉扶歸路人爭看不道花枝笑鬢皓

喜雨

丁亥歲三月十四日晨起露氣甚盛潤疑  
雨兆是夜雨大作至明日晌午方霽後二  
日即立夏四月節時頗早故有此作

一氣先驅玉露灑夢驚簷溜曉淋浪洗開塵障千山  
靜釀出春風百草香人變嘆憂為燕喜歲回時歎作  
金穰兩盃糲飯朝飢了從仕居閑總未妨

題雪堂雅集圖

擾擾王城若箇閒禪房來結靜中緣機峰為愛靈師  
峻樽酒同傾繡佛前談塵風清穿月窟雨花香細颺  
茶煙應慙十九人中列開卷題詩又五年

瑞麥

農使苟正甫過邯鄲得麥一莖九穗蓋未

之見也作詩以紀其祥是年司農司復立  
一依已行條格丁亥歲夏五月也

麥秀從來說兩岐連枝九穗若為奇物關極數知陽  
盛人飲天和樂歲宜同頌並歌唐叔稼駢莖休頌漢  
房芝天心似喜農司復一札 恩光總舊規

秋風如水聲

丁亥歲六月十九日酉正二刻得秋是夜

聞秋風自東北來如大水將至

靜觀天運儘乎誠一夜秋風似水聲志士聽來心未  
穩客牕聞處夢先驚物華披拂爭含實鷹隼憑凌想  
迅征常笑晉人無遠用扁舟東下為尊羹

遊白茆寺

為愛西山欲徧經春風吹馬上稜層千章古木偃崖  
寺一點清光守障燈石碣題名留故事松陰移榻對  
殘僧掌掌最樂雙泉水潤入高峰露氣凝

歌器詩三首并序

昨飲韓進道家座間出歌器勸酒暮歸醉  
卧既醒夜四更試作二詩吹燈起書覺筆  
端甚來之易也投筆就枕復得一詩似勝  
前作明日示弟忱請行下合屬即為之先

和

神物誰移代酒船轉懸金觥兩楹間絲中便得居安  
理稍溢還成覆水艱魯廟橫陳猶賜寶金鑿揮酒憶  
朝班汪然能起鯨吞興鸚鵡為螺恐後顏

御雲垂彩捧宗彝終日持盈伴狄儀滿斟醪波浮滌  
蟻兩樁春色上修眉致恭幸逢神明器勸飲休誇金  
曲卮抖擻宿醒還頓悟此心終倚已惟危  
九杖槃盂總有箴古人垂戒一何深以漿為酒雖無  
量覆水藏機恐過斟魯奠兩楹朝復暮崖州一賦古  
猶今儼然頓獲神明觀常記春風拜孔林

賀介甫提刑德雄

海中仙菓自珍奇莫訝秋風得子遲  
瓠哲定輪陳氏子蘭芽休吃馬家兒  
蒼蒼有道旌遺直繼繼無窮見  
孝思湯餅進前最忻喜老親時抱說含飴

成耀卿以所釀榘酒相餉賦詩走筆以謝  
玉色芳溫已可憐白衣持送飲中仙  
周書盛說神明

誦齊楚休誇桂酒玄光透銀觥無表裏法傳真體得  
蹄筌醺然坐我春風底夢到明禋二箇前

丁亥歲重九日同弟忱展墓奠辭二首

黃葉番番落帽風今年秋祀喜君同生榮沒感無餘  
憾秋降春升又一終玄壤潤涵泉脉遠飢烏飛去卷  
臺空兩鄉相望幾千里常在神靈顧護中

馬亂溪流濕鐙金捨鞍齊簇野棠陰千年盛氣通滄  
海滿袖秋香奠祖林麗石未瞻先世號表行終愧古  
人心衰年最切光揚事此意從來不獨今

奉實野臺之目

墳南岸相對一方甚高平天然一臺  
弟仲略因曰可為王氏建奠拜臺

秋興非關觸物哀時經墟落自悲哉重門未署榮親

表

暗用原涉京兆事

老岸先為下馬臺

暗用董生下馬陵事

節序登臨

車轂擊春風  
粧點野花開  
一杯共酌清泉水  
長繞先塋兩面來  
一作滾滾

送弟仲略得假南行

頭健骨看雲  
騅帖帖爭教墮  
水飛假促最先無累  
保事纏當重  
早知機雲連  
鄧鄙春泥遠  
路過襄城野  
店稀去去莫辭鞍  
馬倦迎門兒女要牽衣

綠毛龜

四海金明一渥洼  
伏藏來自水仙家  
荷表屬甲玄君  
長髮散柔絲  
翠有華浮出淵泉  
看處好泳遊  
蓮葉認時差  
杖扶行嘆陪三老  
夢繞春烟鶴禁花  
唐州城北

此龜至元十三年千秋節陪姚左丞許祭酒許禁  
祿行看東朝禮畢觀交趾所進綠毛大蔡故云

洛水當年負緯書  
獻嘉此日野人俱  
蒼鱗閃閃精分  
斗暖氄氄翠滿軀  
元氣嘖來終不老  
芳蓮巢處更堪圖  
詩成喜觀詞臣賦  
早晚人文與瑞符

至元廿四年丁亥秋九月廿四日壽中丞

王兄復放生者以此龜來獻余以靈物罕

見為賦一詩明日偶得大定廿三年壬寅

冬党承旨郝侯張甫所進賦贊墨蹟序說

明時嘉瑞甚郁郁也當時竹溪纔以應奉

供職文與翰已復如此宜乎金百年以來

文章命脉得其正傳者公一人而已因念

余平日所行造物者皆使之前知此節雖

出事後其類大同亦可重也故併及之



秋澗先生大全文集卷第十八




臺灣國家圖書館, NATIONAL CENTRAL LIBRARY, TAIWAN, R.O.C.

秋澗先生大全文集卷第十九

七言律詩

老境六適并序

夫人生百歲如馳駒過隙能幾七十者又復幾人  
所謂倘來外物猶浮雲過目亦何足道哉因感壯  
年所行多輕生之事趨前太猛一也讀書過分二  
也飲酒無量三也妄慮坐馳四也喜談耗氣五也  
戰藝多勞六也不肖今年已踰六旬念此六失覺  
五十九年之間何翅是耳而驚而愕且畏且怖豈  
勝既哉故養生之念蹶然生於中蓋其勢有不得  
不然者因作老境六詠庶幾與吾同疚者聞之不  
無少有所戒亦老者安之之意也至于直達性情



以救往失初不以工與拙為計也幸觀者無請至  
元二十四年冬十一月一日秋澗老人謹白

飯飽即步

殘書讀罷午食餘信步徐行當澤車接武徑過通德  
里談玄時到故人廬老便步穩靴無襪靜愛聲瓊佩  
有珺相送歸時燈已上到床一枕即華胥

目倦忘書

辛苦雙明六十強滿前花黑理應常酒盃縱對甘無  
分書卷相看任久忘虛室靖深便默坐午牕晴爛怯  
餘光悠悠未了三千牘吟諷從今付窰即

言慎養氣

聚首閒談足是非到頭贏得小人歸屬垣有耳嘗捫

舌守口如餅慎動機珍惜無先吾氣浩坐忘深識道  
心微客來客去俱恬靜克已存誠恐庶幾

食甘戒飽

食前方丈肉如陵莫遣分毫胃氣勝百斛盡從中所  
過微軀能不病相仍已飢便飲甘能止過軟雖鮮熱  
即乘此是老坡真聖樂免教携杖去騰騰

寤寐絕思

夢神依例到殘更目似鰥魚了不瞑正為膽寒增長  
轉不緣身老惜伶俜滌除玄覽歸安靜宰制心君入  
杳冥昨旦早興襟韻足不知青鏡鬢星星

息藝休心

辭筆縱橫更老成祇來虛譽不根經風雲滿眼嗟何

有月露盈筍笑未停肆口成章終妄作忘言休思是  
頤齡子淵直在心齋妙一字何嘗及性靈

坐倦即眠

坐暖團蒲倦自然夢歸先到蝶飛邊齊蟻癡絕凝盤  
石肩井斜傾似墮鳶香散餘馨栖翠被燭搖寒影掩  
殘編老來境界無多味飢即思餐困即眠

一作不教急氣加吾  
體愛殺中和論性篇

香冷燈殘靜枕惟竹牕幽思獨依依時情久與詩情  
澹銳氣今從夜氣歸空控孤鷹堅鷲坐漸驚縫掖擁  
腰圍 味雉同體未分甘從朽木譏

汲城懷古

尚父祠荒草滿扉五城猶在陣圖圍飛梁水落橫霜

瀨石馬門空半夕暉竹簡有光陵寢破山川今是昔  
人非臨風笑煞安釐事甘着虛名博禍機

夢王尚書子勉時罷中丞在揚州

丁亥月日

分明昨夜夢王褒海上歸來從鳳毛燈下留連乘醉  
月筆端揮酒挾風濤滿囊文具為余贈四座春風倦  
士豪與客忽從窓隙去惘然驚覺聽鷄號

冬藏

木葉歸根到閉關遇藏初匪避冬寒孔宣何苦韋三  
絕顏氏胡為樂一簞庭戶信知吾道在光陰移入畫  
圖看此邦雖小無窮事定力先須似石盤

小邑都來掌許間紛紛人事日多端敢言絕學來希  
不鮮呼盧去效韓身老轉驚謀道拙時艱難作強

歌歡正須一室虛明地時着閒身引睡者

丁亥歲十月十日夜夢乘船渡一大河既

濟望南岸一閣高數百尺牕戶北向有簷

至地上下以琉璃大簾垂蔽翠色半天甚

奇麗也

雲間高閣翠為簾疑是仙居擁衛嚴虹影蕩搖青帝  
闕海風吹墮寶陀嵐半空倒影驚奇絕千丈暹光入  
顧瞻我自平生多異夢似憐方朔詫雄談

蕩飲

李縣丞靖伯約嗜新釀坐客有云酒之醇  
粹莫胚胎若也遂蕩而飲之偶得獨脚句  
醉歸為足成之如能可君等雅意便當屬

和時至元丁亥冬十月八日也

瑟縮松風滿甕春甕頭蕩飲有餘薰醉鄉日月時須  
到太極胚胎昔未分肯放小槽珠作滴快傾浮蟻玉  
為羣人間愁緒知多少一醜能消正要君  
誰擬鯨吞罄綠樽一杯聊示試芳温中含妙理何多  
味細捲春江儘帶渾談藉清光搖北海詩憑風韻繞  
西崑知君預報時須意免致來敲月下門

透月巖

偶到君家思適然一峰奇石墮吾前千金欲買初無  
價百穴替通小有天花露逗香滋碧潤月娥含影愛  
幽妍從今紫翠芙蓉夢不到齊州落照邊

成氏西灣即事

栽種西灣趣已成主人置酒約同傾  
小車來駐林間閣藜杖閒看雨後  
新老圃生涯非細事滄浪清濁任  
吾纓少陵苦愛溪居好與在千章  
夏水清南陌東城占却春西灣深  
處最藏珍青芽破粒柔桑穉紅袖  
迎門杏蕾新醉裏光風多樂事老  
來清貴是閒人就中更愛清溪水  
隔斷西風瘦亮塵壯年心事幾虧  
成每對蒼髯聽細傾夢裏江湖幾  
走遍林間雞犬却歸耕潘與正要  
閒居賦蘭佩誰堪海縣纓脫却烏  
紗有忙事甕頭春釀漉生清

海縣纓暗用解蘭縛塵纓事  
海縣調周彦出為海縣令也

清明日花下獨酌

時戊子歲廿七日  
游洞溪作

人家拜掃重清明羅綺翻香曉吹輕不欲把書成兀

坐也隨遊子出重城閑雲弄日何多態春水平橋不礙行  
勝事自知還獨往一壺來就淺沙傾

後一日雨中招林韓李三君子小酌且為

梨花洗粧

時新植梨花  
一林盛開

花滿金壘酒滿樽一杯歡飲得佳賓近年樂事無今  
歲此際閒身有幾人祿美勝於三品料臘香清徹六  
根塵風簷數點催粧雨辦與梨花作好春

東坡汲乳泉圖

儋州遷客玉堂仙服食天教得乳泉三巘遽驚滋浩  
氣一甘無壞是冷澗中朝清議孤忠裏瘴海鯨波九  
死邊落月澹隨人不見滿襟風露獨愴然  
道宮獨發乳香泉似與坡仙養浩方井列不從炎海

瘴味甘還比上池觴化機軒豁元胎濕孤影追隨月  
色蒼天地此身忠義在一杯三噉濯肝腸

送姬仲實隱士北還

紛紛末術例從設邂逅淇南論有餘賈傳自憐多感  
慨東門何意泥孤虛雨連賓館留三宿天遣幽懷為  
一抒覺我胸中聞未有九峰新說曆家書

九峰一篇

壽器之國醫

學開金櫃得真傳濟物功深不自賢前輩衆推楊獨  
步後來誰與子爭先青黏有術扶衰謝白髮相看度  
歲年此日樽前祝君壽一杯還代上池淵

白簽事彥隆哀辭

素菴一氣本龍心苦時違採與同強仕有懷三品

料發言都是四書功愁隨野草憂春雨恨滿山城對  
月宮誰為魯齋興起地古共門外便秋風學

王師中哀辭

玉樹庭階自幼看九霄雲路到鵬搏天門折翼差何  
及宅相論微理未安咄咄向空書怪字涓涓揮淚濕  
門闌應憐遺愛祠前栢恨鎖秋風月影寒

壽少尹寶同知寶丁平章子

秀稟金天一氣晶規模全是漢專城當官治劇有餘  
裕臨事知機見老成門闕起身真相種天池刷羽看  
鵬程一杯領取千秋壽細着檀槽合玉箏

顏氏冠詩寄蒲城主仲白祠李知觀

一握儒冠綴七梁金絲勻織玉為相顧瞻遺製從顏

始陪侍先師見色莊巾卷在庭聊束髮玉簪橫影夢  
升堂切雲莫羨如箕大曾冠三千弟子行

紋背藤梁玉色嗟師傳元與薛同科薛模為西漢冠師出高帝紀

要盤白髮三千丈閒過春風十二窠衰俗幸存加冠

禮滄浪無用濯纓歌漱餘改作須重玉尊先期為

細磋

朱砂餅菊詩并序

秋澗翁觀花于秀春園見菊之種甚多有  
所謂朱砂餅臘脂紅子以白與黃菊之正  
色今變幻若爾何哉或曰接之於艾致然  
子試為之說曰艾火草也菊亦陽種也以  
二物方盛之時使客於艾之末末有不隨

其主之盛氣而變者又赫以鮮者陽之精  
也故有硃砂之異此雖小事亦氣化之類  
也格物者不可不知故序

玉餅金蟬爛熳秋朱砂為質更風流天機欲測司花  
巧物色先從氣類求孕秀似鄰勾漏井分香當上絳  
霄樓朱顏厭對柴桑客恐觀空杯笑不休

送錄事薛彥暉秩滿北上

秦隴風聲化有印規模况自左山來三年漱邑淹良  
驥一日銓曹得茂材撫字論功書上考廉能覈實到  
兼該春風領取新除去喜動門山兩翼開

王尚書子勉挽辭三首

淚洒行間閱尺書計聞三至尚疑虛佳城一閱無開



日聯事三年忝貳車詞筆早推韓愈健曠懷未覺孔  
融疎那知一夢終天別惆悵春風隔綺疏  
少孤綿歷太迤邐遭甫壯光榮四十年氣運倘來方出  
限愛心先斷便終天魂飛楚些和雲慘淚洒淮壩與  
海連左袒客衣三匝去延陵宜為聖稱賢  
婉孌英姿自妙年奎光空照玉堂仙辨教一世龍門  
重誰遣三王鼎足偏曠度包荒無徵略秋濤翻海失  
鱣鱣百觚未醉螺臺酒重為斯文一泫然

遊蒼峪青巖山有懷烈士甄濟

義重於生視若歸封刀無復騁霜威千年喬木高風  
在一片青巖烈日暉元稹論忠真不愧果卿推逆與  
幾希環山弋獵猶知畏白鳥衝煙自在飛

商左山副樞承屢念及作詩以答雅意  
四十年間凡九遇感公翦拂使長鳴三蒼論法傳餘  
蘊七札量能綴賤名曉日嶽祠留語別秋風章曲餞  
予行傷心綠野堂前月空遣留光照斗城

賀士常侍御受吏部尚書

識鑒久歸清議裏 恩光今著履聲中文章曹植波  
瀾小星斗潮陽譽望隆除重不知黃散日輸誠思補  
燮調功從今不鎖春風却管取銓衡被至公

題懷孟路宋總管太夫人九秩詩卷

七十邦君九十親人間此事少同倫栢舟高節微彤  
管鸞誥清光照畫輪步履不緣扶杖健精神猶比結  
禡新河陽莫說潘輿樂沁水花時別有春

身寵家溫親老健福全無似宋門榮漢宮傳訓班儀  
在萊子承顏綵袖輕孤節勁於湘水竹九齡春動野  
王城年年壽席聞佳語南極星邊婺女明

和陶主簿見寄詩韻時主肥鄉簿

半生鄉國共遊居老去文交樂更餘苦厭物情多薄  
相每吟風雅入吾廬一官稍得寬民力三飯何憂進  
野蔬聞說列人真吏隱竿頭還有再懸魚

哀挽亡友中丞王兄五首

百蛇墮地一能龍知己相須不易逢僧孺固應知杜  
舍戒洪初不負張公扶搖羽翩翩溟海作養功名上  
景鐘自笑澗松居不巧半生清露到虛蒙  
嚶嚶求友吻同聲五十年來好弟兄零落山丘有今

日笑談樽俎意平生酒壚不隔河山斷陰翦其如骨

叢征用韓文公臨終事寂寞逍遙堂後木對床風雨最關情

故人搖落曉星疎此日二王獨在予泉壤冷埋和氏

壁牙籤空見鄴侯書問誰久視嗟同盡老失知音慘

自餘從此故祠鐘鼓地謂去歲冬用三獻禮附母夫人于室此禮久廢君首行之良可嘉尚

耳過庭趨處半簾蕪參議公在時賓客與君相接者未嘗坐正堂上其謹敬如此

衆响漂山不易安勢張那復障狂瀾一時附會真堪

畏此際支持誠獨難貝錦斐文哀巷伯瑤琴幽積變

猗蘭一言曾擬桓侯辯醉裏哀箏為謝彈

病臻留飯作終天示我新文已惻然奇疾變常總四

日佳城埋恨便千年囑遺不及私門事燕翼全規誠

子篇惆悵西山埋恨處定應大鳥淚如泉

用後漢楊震事

牡丹

洛譜丹青說典刑  
畫欄春日見昇平  
金盤薦品承朝露  
翠幄留香護玉鈴  
神女賦中羅襪步  
少陵詩裏麗人行  
百壺莫惜花前醉  
樂事從來不易并

海棠

桃李無光分落英  
海棠姿色占春榮  
雲鬟綠擁粧初罷  
醉臉紅勻睡未醒  
任使無香真可意  
放教千葉更多情  
光風流轉都能幾  
莫惜沙頭倒玉鉶

挽史九萬戶

半生稀古振長纓  
隱隱曾中富甲兵  
三篋補遺安世博  
千金為壽魯連輕  
春風故里鳴珂遠  
暮雨山丘宿草生  
一傳散仙懷素叙  
為君珍惜比書評

小園即事

閒來無事欲何營  
總是栽花種柳情  
汲水漑餘紅藥秀  
遶欄看得綠陰成  
身參化育行當健  
物喜安舒悟養生  
放下虛窓時倦臥  
夢驚還聽乳鳩聲

小園清潤稍堪觀  
翠有庭筠馥有蘭  
未放薔花金作蕾  
已開梨蘂雪為團  
鳥欣有託扶疎樹  
客喜來憑詰曲欄  
深院日長須細履  
也勝愁坐兩眉攢

託陶晉卿借鄭氏所藏劉房山行草效吳體出入格

房山一字三過筆  
此帖揮洒何其殊  
臨游親覩長史作  
透絹又是涪翁書  
春葩舞女多姿態  
遠韻高風見步趨  
手追心慕情正切  
託君為借今何如

復作一詩以繼前韻

鄭家數幅房山書自笑伎癢須臨摹五陵裘馬見年  
少兩漢劔履多文儒游談得叙真可壯破塚求法何  
其愚煩君更擊馮夷鼓未信驪龍不吐珠

戊子歲穀雨日

中丞王兄令李子師中携名酒洛花相餉

作詩以謝殷厚

洛艷紅嬌醴味佳併携春色照人來豐苞細折先三  
嗅醪蟻連傾盡數杯北里定應香作陣西園休詠眼  
慵開維摩久病行當問好在春風紫錦臺

括九峯禹貢解北條北境之山

晉北諸山自代來

自襄武風憲四州而來

胚凝首自霍山開連

延脊脉為壺口南作析城王屋排復折而西雷首出  
一支北走太行崖次又支為大茂四條明白不須  
猜

大卿徐先生挽章

薛世隆字威卿金進士第陳州西華人官至集

賢大  
學士

壯歲魏科擢上游如公樂易更風流文章海內元推  
轂議論行間宋與儔鄉校功成東魯盛炬蓮恩在北  
門優自憐狂斐慙提獎爭遣鱣堂一拜休

至元廿一年予按部東平拜公於私第之前堂  
時公已在病眷眷于予者甚款既而卒于家

壽總尹劉公

一家英氣蓋遼東聞說君侯有父風作牧肯分青社  
土策勲誰比黑河功化行屬邑謳歌裏春自慈幃孝

養中今歲壽筵光景好榴花渾似舞裙紅

龍教授哀挽

東郡教授龍君名革字取新廣安人善賦  
學及五星等術士子從之學者多所沾丐  
至元辛巳與予相遇於滑朝夕從游者旬  
日一良德君子也後主魏縣簿政有聲今  
茲云亡其子夔來求挽章特為賦此

當年按部館南衙日夕相過興未涯楚產例桃開寶  
學天星推度見名家大徑山下遊龍洞歸鴈亭邊望  
暮沙此日題詩重惆悵為君回首眷西華南齊任  
盼之子

商左山哀辭

商孫膚敏矯猶龍千載流芳見此公佐魯謀猷元克

壯定秦功力更沉雄城門被藝池魚涸臣罪當誅聖  
主聰老淚不緣知己痛麒麟臺上又秋風

夾谷尚書哀挽

名之奇字士常  
終吏部尚書

品彙流形萬不同銓量平允儘清通恩非出已知誰  
怨天不遺賢見道窮三復苦辭歸汶上一官催老淹  
曹東茫茫大塊升沉裏重為清朝惜至公

追挽承旨王文康公

文章四海一康公炯炯元精貫自中盧肇名先金榜  
重歐陽仙去玉堂空道由實學明真用義不忘君見  
至忠惆悵當年門下士斷雲低處望曹東

左丞史公哀辭并序

左丞史公之薨客有云云者余曰事機之

來雖理有難處度不違於義其寵辱有不  
足驚者當克明之無定力以順受輕則伊  
鬱而自沮重則至憂悸而隕越正以不安  
而無定力故也嗚呼史公不少隱忍以光  
先正之業而至於斯其命耶抑以有未安  
於所受之正耶於是作是詩哀之

鬢金貂漢九卿火階平自栢臺清儘將事業傳鐘  
鼓不特家聲藉父兄自付行藏無所歎此生榮辱不  
須驚辭姦聽徹唐君說淚洒春風滿豸纓

丙戌歲中秋後二日夢過真定與宣慰張  
鵬舉相會作詩為贈既覺頗記首尾意韻

因足成之九月十一日忽英甫過衛  
說張於是月日卒於真定

千里提封入控臨不知秋氣上華簪紫泥頒寵何三  
詔丹旆輸忠見六箴機務固方前日簡論思尤此向  
來深

潭園月轉覺孤懷愧此心  
蔓慶憲副良友

十年侷促伏轅駒解鞅歸來樂自如奔走止緣餬口  
計支離况是不材樗常因客過知安健多謝人來問  
起居把酒竹軒猶昨日清詩想似向來臞

寄贈介甫憲倅聞除興元總尹

方聽新除入歷城忽傳改授漢中行霜空暫息騫飛  
翮民社教優撫字聲伏利試尋山水堰遠征先卸異  
方兵如承高省相垂問老我山田二頃耕

送徐正卿秩滿還漳南

共筆燈窗憶昔時只今相顧髮成絲三年調議良多  
益一道將迎不易持辭別已餘連日惡直清留在後  
人思漳南未是歸樓地要與朝家作羽儀

謝湯宣慰惠書

聞來何物慰窮愁細把調元入校讐相業有方無限  
事室書能幾不容抽已欣惠賜承蘇集復夢翻香上  
郡樓棹架萬籤容遍覽歎侯人道是湯侯

代書寄友舊二首

匪為窮愁日著書閉門經史且相娛為憐魯酒無多  
味任使陶餅乏見儲黃卷能教吾道在青雲未覺故  
人疎有時夢到烏臺月奄奄猶勝閉歸車  
半紙功名不足書暮年心緒若為娛背味伎倆輸鳩

拙度歲生涯儉擔儲為寂恐貽高密笑不才爭似孔  
融疎退藏入密真吾事誰遣門多長者車

西村三首和韻

種來佳樹日扶疎秋草當堦不忍鋤城府事驚閒靜  
重林墟秋熟物情舒溪行改徑農耕後漁浦移梁水  
退餘我自興來成獨往手拖拄杖不巾車

近歲行藏匪自疎胷中刺鯁要誅鋤通明縱使同方  
進樸鈍何如似魏舒堂上咍漫從肉食橘中游戲喜  
霜餘八鷗前馭非吾事正要安徐下澤車

村量身世兩乖疎去學淵明荷短鋤時事未容閒裏  
過人心安得老來舒沙鷗遠泛機先識穴鼠深藏壤  
有餘我輩所行多倒置旱資舟楫水資車

寄道之憲使仁兄

匪為場苗賦白駒別來多事復何如臣門最喜心如  
水故第猶知里號樗落落壯為天下客潭潭老向府  
中居為近日二憲使不出司故云使君若問年來况山澤依前老  
病癯

聞平章由公薨於維揚以詩挽之非舊言不徒言

邂逅灤江讌語頻外臺初建首先分風雲契厚真吾  
相魚水情深有分民名在諫垣稱鯁直力輸

王室最公勤豐碑會見十年後猶是中朝第一人

丙戌除夜

盤花紅卷燭光搖一歲迢迢盡此宵凍拆臘香浮栢  
葉煖移春意上梅梢耐心自信愚忠在流涕還悲髀

肉消揣分要知温飽力此生無地答清朝

賀文卿同簽宣慰河朔時真定連年旱乾

春風花發四鄰香曲巷時過笑語長議論有方消鄙  
薄功名無地不輝光簽書樞府孤忠壯愾敵長江一  
葦航今日八州歸總轄又煩和氣致時祥

同簽趙公挽辭諱良弼字輔之遼東人至元二十三年南遊京洛卒明年正月二十四日夜見于夢

託予令易其名諱辭意甚切不然目將不瞑矣遂追作是詩以紀其意

識遠幾沉任獨勞不將虛譽冠時髦使華光動扶桑  
日樞府謀深尚父韜四海樊川遺隱在九原精爽與  
秋高分明夢裏來相託抵掌猶能似叔敖

禮部尚書許公挽辭官至榮祿大夫名國楨字進之翼城人

當年劍履上星辰忠謹持心老益振藥籠功名開壽



城朝端風度見誠臣物漿有味需餘論御月分光照  
近鄰我自計聞增悵望白雲長處是潯垠  
出計初傳不忍聞惜從 朝著失忠臣安常每懼非  
常寵格物還深濟物仁貶損定交何眷厚燕閒相過  
更情親轉轉細約車聲去長憶同遊過闕晨

宋賓客弘道挽辭

景玄絕學到縱橫此老猶能見典刑相府才華推上  
客少微光彩動 前星誠身初不離儒行進讀何妨  
雜貝經正有莫教傷餒恨併隨神劍閱泉扃公舊有舒辟劍  
萬有紛華入醉吟都将誠靜粹靈襟雲松卧壑存初  
志望苑需 思豈本心談並齊諧疑志怪學空滄海  
別穿深斗間縱有龍泉氣淒斷春風綠綺琴

追悼參政李公仲實詩并序

至元丁亥二月十日夜夢李參政仲實再  
拜向予顧指所佩鞶囊曰吾平生盡在於  
此他日會瀆累君但不敢輕易發也既寤  
悵然者久之因追作此詩以見其神交之  
不昧也昔李衛公見夢於令狐絢懇其北  
還絢畏其精爽白于帝得以歸葬今李侯  
明以後事來託于老且閒不知何所賴焉  
冠劍風雲擁漢庭斗邊喉舌振孤聲漢儲羽翼非輕  
托蜀酒雖多每細傾身後哀榮光謚冊夢中精爽似  
平生分明指顧鞶囊事一縷幽光要累卿

挽教官石仲遷

名與義鄭州人少為縣吏後從李野齋學終南京教官

臨試東過僕射陂封書投贄識君時生猶積玉期三  
獻死愧囊金昧四知塵世驚回黃落夢帝京悲動白  
雲辭因思吾輩豪雄處貧賤能安貴不移

送府判李侯赴調東曹其懷與政備見乎辭  
邛衛交衝辦事難送迎終日不調轉去官不到瓜期  
代在分能居幕職安衙鼓通嚴披訟牒厨煙吹碧滄  
蔬盤回看奔走風塵際却惠新除是振冠停

代書奉寄子明宣慰時為濟南宣慰

五載因官寓鎮陽朋簪盡處珮聲揚金盤爛醉雲樓  
酒綉毳同披燕寢香樂事有懷終會合名泉無計共  
徜徉空餘情似康崖水脉勾連到海長銜

毳一作陸其物反乃今  
之半臂也出光武紀

壽子初中丞

鼓瑟春風記點同轉頭俱作白頭翁遠遊長得知時  
報微恙行收勿藥功巾卷在庭隨燕几嬰香和露濕  
簾櫳暮年縱有周公夢輸與浮雲度太空

送史邦直之任竹山

縣屬房陵更在西一官雖遠儘施為王風漸被無遐  
邇異俗能安戒鄙夷會待奇姿超駿足試教銛穎發  
囊錐彩旗開簇清江渡想見春風到任時

丙戌歲除夜

去歲椒盤一笑藥今冬除夕倍淒然莫餘靈案鐘聲  
後坐對陰容燭影前存歿不堪思往事康寧還喜過  
今年數家刺說新春好夢到梅花小雪邊

奴星具糗送窮歸夜久蘭堂燭影低梅雪溢寒嚴厲  
鼓枕香留暖潤盤犀試傾臘醞款椒頰已覺春風拂  
畫難明日書雲臺上去蒼精橫角看杓攜

答何劉二端公

屢有人來問起居近年為况果何如每承省錄常深  
感欲話行藏不敢書逐末有慙規什一歸田無力把  
犁鋤時時夢到霜臺月靜聽烏聲尚起予

挽李子陽

早歲龍門接茂才相携有意上台階夜書稱快元康  
在詩思爭高岳掌開落月滿梁清夢斷旅墳三尺野  
烟埋微官殆似台州鄭村卷題詩擬八哀  
三十年前成邂逅酒壚傾徹醉顏開筆端力挽狂瀾

倒袖裏親携太華來淚洒行間遺草在恨埋泉壤劔  
鋒摧因思秋雨蒼苔句何限令人不飲哀

饒士達御史還臺

通家世契鬱蘭金驄馬南來屢見臨披露義襟餘悃  
幅酌量時務入精深眼中白璧真無價調外朱絃有  
賞音回首炎荒四千里一杯不惜為重斟

秋澗先生大全文集卷第二十

七言律詩

西溪見夢 十月初八日夜五鼓初

柱面相省几格間笑談似與浣離顏越裝已辦宜趨  
往江路雖遙不久還魯國自來尊北海謝家誰更作  
東山瀟瀟夜雨蓬窓曉細酌清樽與涕潛

儀封道中

驛館殘缸曙色分馬馱殘夢走踈踈去家已遠誰為  
侶到處相逢有故人健美鷗盤慙始擊靜便蠖蟄返  
求伸一杯拜酌睢陽廟激懦扶衰尚有神

睢州道中寄友人

奉 詔東行獲所安却憐衰朽強為顏 恩緣至渥

秋澗先生大全文集卷第二十

七言律詩

西溪見夢 十月初八日夜五鼓初

挂面相省几格間笑談似與浣離顏越裝已辦宜趨  
往江路雖遙不久還魯國自來尊北海謝家誰更作  
東山瀟瀟夜雨蓬窓曉細酌清樽與涕潛

儀封道中

驛館殘缸曙色分馬馱殘夢走踈踈去家已遠誰為  
侶到處相逢有故人健美鷗盤慙始擊靜便蠖蟄返  
求伸一杯拜酌睢陽廟激懦扶衰尚有神

睢州道中寄友人

奉 詔東行獲所安却憐衰朽強為顏 恩緣至渥

酬無地事不預防多後艱遠馭有方清百越織埃何  
補奠三山殘年正要相料理既不容辭望早還

過歸德寄何相

白髮年前六十三強扶衰朽去江南心知義重吾何  
惜老不身安事恐耽弩末縱能穿魯縞病軀何可敵  
閩嵐鄉關回首四千里正賴君侯與細參

十月廿七日過下邑喜與趙彥伯侍郎相  
遇作詩而別

暮色增寒慘驛亭燈垂紅燼盡情明長年幾夢溪堂  
月此夜相看下邑城流落蠻方真可畏笑談樽酒且  
同傾回頭楚水楓林下炯炯聲華定彥卿

宿宋家山趙氏田舍

白髮搔來不滿簪就中誰遣世塵深野煙遙認地橋  
月霜夜初聞楚戶砧長路苦吟支睡思客牕無夢耿  
鄉心前行說似安夷道隱隱青山轉榭林

楊州送劉漢卿東歸汴梁

海鷗翻雲下錦鞬眼中人物見風流誰期淇水三秋  
別却作維揚數日留樽俎留連江上月風煙吟眺竹  
西樓馬頭細嚼梅花句又領春風入汴州

西湖

西湖三面簇青山淨拭菱花照翠鬟蒼海月寒龍穴  
露彩雲仙去鳳簫閒無多樓觀猶圖畫最好風煙近  
市闌鄭重繡衣周曹使畫船春酒待余還

留別 左轄台相

兩浙江山漠霧雲吳儂輕剝到羣奔終寬防異須威  
霽稍困隨方以德存 龍寵優來心愈小義方嘉處  
勢忘尊忠傳孝繼平生事長見風煙擁戟門

一作薦賢正是一台衙  
職桃李何須在一門

己丑冬仲三日與宣慰楊子秀總管高瑞  
卿侍郎田榮甫三君子邂逅於餘杭其喜  
有不勝者以詩留別情見乎辭

北來冠蓋拂吳雲試計分飛動十春意外論交緣義  
重天涯相值更情親放懷樽酒難同舊照眼梅花總  
可人明日浙江江上去寄聲多逐荔枝塵

下大安嶺俗云分水嶺

宿霧霾山苦未收馬衝寒雨下關頭紅雲軟脚揮三

爵碧玉攢峯擁萬丘日月麗天從北轉山川分水盡  
南流漢家聲教今無外誰遣氛妖孛斗牛

時汀漳等州鐘寇  
作耗未平故云

三山元日

臺藝花香簇絳紗三山簫鼓樂年華竹枝歌後多淫  
祀燕子歸來識故家荷鬢鬧粧餘翠貝蔬盤勻飴雜  
魚蝦殊方風物雖堪賞爭遣衰年客海涯

贈之問泉尹 福州庚寅三月廿一日作

社燕秋鴻十載餘天涯邂逅兩臞儒九遷論秩心何  
有百折當機氣自如喬木故都思往事月明滄海烟  
遺珠春風回首桐城郡時訊平安見簡書

送李司卿輔之北還

名天祐安次人同年御  
史也今為戶部尚書

憲府乘驄憶舊遊  
白頭相見嶺南州  
地連瘴海三山月  
人在元龍百尺樓  
此日又驚成契濶  
異方誰與慰淹留  
交親若問衰年况  
夜夜秋瓜夢故丘

庚寅春三月與張參政獻子李司卿輔

之會飲九仙絕頂其道室榜曰  
滿日雲山

四千里外同羈旅  
三十年來老弟兄  
樽俎喜陪今日宴  
江山難得晚來晴  
巖花帶露春容濕  
醉袖翻香笑語清  
莫對雲霞說輕舉  
蒼生料理正煩卿

時張參政奉  
旨料八州民數

暇日登道山亭懷古亭在烏石小巔有碑

刻南豐記文其上刻鄰霄臺三大字

闕會東南控嶺溪  
斗牛無孛歲無飢  
文風興盛猶唐館  
霸氣沉雄入劔池  
海近重城朝日蚤  
山蟠平野暮江遲  
危亭一片瑤鐫在  
晤語殘陽倚杖時

送師彥貞蘭寶臣二御史庚寅四月  
十九日

半歲相陪百越東  
採時人道向來驄  
劔華光動蛟螭匣  
豸角霜嚴簿領叢  
明月共看千里隔  
劣峯回憶一樽同  
偕來不得成偕往  
目斷三山羨去鴻

大中德長老見贈竹輿作詩為謝

人老筋骸不自持  
乘堅策駿兩非宜  
憐師雅意慙懃甚  
惠我斑輿結束奇  
花底徐行閒看處  
陌頭趨進早衙時  
醉歸更比籃舁穩  
一任山公倒接籬

贈鼓山長老平楚



不下禪床四十年老軒頭角出冷淵久從貝葉傳心  
印來與雲山結靜緣蘭馥蕙光憎嫵媚竹風松月共  
清圓荔丹有約重登覽轉首天風恐颭然

楚有西蘭  
絕句故云

庚寅夏四月送

二御回淮安道中即事語知己者

五千里外一衰翁八郡規為與省同衆口鑠金方作  
異諸生鳴鼓欲誰攻寒封老栢常年慘煖借繁葩盡  
日紅夢到垂虹亭下水雲帆千尺挂秋風

遊鼓山五首并序

鼓山在閩中為特秀余到官五月

王事鞅掌未遑登覽以盡江山之勝迨明年  
庚寅四月庚辰遂與天平張參政獻子大都

李即中德昌御史聊城師彥貞居延蘭寶臣

提刑東原曹仲明憲幕張遂良程舜臣何舜

卿來游尋前盟也辰刻抵戒院捨鞍肩輿迤

邐而進至望州亭主僧平楚來迓用軟脚倒

酒數行歷松關由石門入白雲寺適簽省樂

公亦供佛來此乃相與禮像殿浴佛於西

寮既而飯劣峯丈室眺上方重閣降觀湧泉

步入靈源洞度喝水巖登天風海濤亭觴詠

間獻子得昌扶携上征徑欲造大頂峯足觀

紫陽遺刻石巖雲荒中途而返時宿雨濯山

林壑爭秀煙霏空翠有顧揖不暇者莫不欣

然忘歸冲冲若有所得僉曰樂哉今日之遊

也吾儕越在絕域縱使重來恐無復此歡耳  
至元歲月不可以不紀詩亦不當無也明日  
探囊得唐律五詩俾刻諸亭上以為山中故  
事

峯迴路轉已層雲望遠風煙接海門宿靄去收千嶂  
雨老僧迎勸半小樽巖幽選勝窮詩境山迥登危黯  
客魂澗絕殊方同大塊坡仙心事強為論  
筍輿同駕躡鼈贖冷帶秋聲入白雲雪竇有禪容暫  
叩名山無分與平分雲嶺斷聯松蔭雨惜題芳護  
蘼雲會約贊公重借榻鼓音同向夜深聞  
上方遊遍雨花天洞壑尋幽得壯觀林影蕩空金界  
澗天風吹袂海濤寒江山若爾不一醉杖屨再來無

此歡詩在眼前拈不出碧澗秋色上層巒  
杖藜尋壑遊初遍倚檻冥搜興未闌濁酒一杯方大  
嚼蒼煙千頃要奇觀放教眼界寬無際徑上山椒不  
作難若欲攀蘿窮絕頂海濤風勁不勝寒  
複嶺重岡奠七閩鼓山東峙最崇尊嶼亭詩好風濤  
湧靈洞龍移窟宅存千尺翠屏宜晚對一泓滄海儘  
雄吞雲煙稠載歸時晚月偃松梢玉一痕

道山亭燕集

霜簡無華鷺鳥朋追隨飛蓋上高亭霏霏空翠沾衣  
濕浩浩雄風拉瑟聲已愧東山空雅志枉教南斗避  
文星憂來猛把欄杆拍轉覺時情未易評

酬余招討見贈詩韻

秀孖江山氣自靈余君襟度玉亭亭高軒過訪承佳  
什世事開談見遠經秋色望空喬木國海商爭避客  
槎星又聞占籍多陰積一戶從良近百丁

送魏叅政赴邵武時與江西三省會合破

賊

畫省分麾出越營跳梁黠鼠已潛驚環郊多壘真吾  
責報國丹表在此行歎因可擒須急縛民安無畏  
是佳兵遙知帳繞生屏地草木風前總戰聲

戰一作捷

省郎李應中見示所藏書畫因題其後

畫省官書不片閒撥忙能結淡中緣吟餘紅藥堦前  
露夢到蒼江月下船鑿定正煩君具眼收藏還擬世  
珍傳古人已矣精華在時復橫披一洒然

八月八日雨中書懷

自到閩中十月餘老懷未省兩眉舒命緣限蹇行多  
拙心與時違意轉疎夜枕有蒸妨睡思秋空無鴈繫  
鄉書桂香簾幙中秋近愁對清輝憶故廬

小樓秋望

芙蓉吹老白蘋風濕有游龍草有蛩湖水已翻寒日  
影火雲猶作夏時峰清時還負無能責老境其如所  
事慵堆放小窓閒寓目秋來無物不愁容夏

柔聯一作時方多故增  
心苦人到高年所事慵

寄紫山憲使

去冬相從入臺叅君任平江我更南不惜殘年趨海  
嶠擬將風義壓烟嵐得時可進成虛步縱說知難到

強談歸見紫山如有問此身於世百無堪

景聯一作碧雲暮合人  
千里白髮愁多雪滿簪

秋雨

秋暑燔空勢莫禁  
西風吹起傳巖霖  
驅雲湧海連三日  
潤物回枯抵萬金  
火傘炎收閩嶠瘴  
烟螺重拭越山岑  
滂沱未洗戈船甲  
愁絕孤臣一寸心

御史陳君濟來知紫山病告已滿浩然

北歸余以微官自絆留滯閩中未卜歸期

定在何日慨然感而賦此

南來同仕君先往  
自絆微官固可憐  
書考已甘陽子下  
着鞭又為祖生先  
碧雲暮合人千里  
白髮愁攻雪滿巔  
去去吳江西下路  
姑蘇臺上月空圓

寄參政何公

黃閣年來相業多  
忠腸瀉略無佗物  
情雖異歸包總鼎  
味能甘頰燮和客  
子遠聞欣欲舞海  
風何慮偶揚波

時草竊議起故云

殘年喜見升平事  
歸老田間儘浩歌

寄左丞馬公

黃閣清風相業多  
漢家機務到麈歌  
默涵羣動歸包總  
力贊孤卿繫燮和  
春草聞嘶沙塞馬  
秋霖行洗越船戈  
古今多少調元樣  
丙魏聲華未減何

即事

耳病瞳昏久病翁  
暮年遊宦又閩中  
一句好快無三日  
百計隨人到五窮  
每署細街慙已曠  
雖無私過亦何功  
揣量薄分宜歸去  
免着通人笑未通

卧病中即事

萬慮消磨只一身，一身猶為病遭。連老饕餮助脾神，  
喜濕熱還攻眼力昏。蔬飯半盂嗟強，食物情千變苦。  
難論前期七十，都能幾更有何心到競奔。

即事

地僻天荒自一方，江山還鎖瘴烟鄉。炎涼失節人多，  
病勁難馴俗反常。媚竈王孫方怙勢，背時郭老怎  
當場欲行莫克行。還阻乞取閒身且六藏。

芙蓉

平生不識翠苞纖，真色還欣到爾瞻。嬌綻殘芳無兩  
樣，鬧裝橙葉更多尖。一溪野水明粧鏡，滿樹清香拂  
綉簾。開謝已甘秋色晚，碧桃紅杏我何嫌。

卧病吟

四大尋思孰主張，百般調護不康強。火頭寺尾方為  
崇，肝氣脾神互見傷。秋月欄杆吟袖冷，曉烟庭戶藥  
鐺香。夜來一笑伸看喜，夢裡分明到故鄉。

閩中即事

誰作新詩採衆謠，八州淵藪萃逋逃。蒼烟滿樹驚臬  
嘯，白日西山聞虎號。取辦急征農最苦，仰空哀懇彼  
何高。內奸不止終多寇，闔敵徒教殺爾曹。為官軍民義

八月十八日野真回入西湖開化寺

廩祿已沾三品料，浩然歸志苦遲遲。宦情老去無多  
味，花樣看來總背時。林下宜尋歌鳳侶，澗阿閒詠考  
槃詩。免教方寸為形役，惆悵終年抱獨悲。

送趙提舉仲遠職滿還江西

眼中簿俗日紛紛信厚如麟見趙君學館久淹雖散  
秩士林輝映總多文三年提調無遺育回首歸飛隔  
暮雲忠孝堂前秋色好淡烟吹滿泮池芹

即事

人微職峻作提刑正似禪僧放海青癡坐久為山鳥  
怪急歸已愧草堂靈甕邊吏部方耐飲澤畔靈均謾  
獨醒樂得便行無窒礙雲間高躡鳳凰翎

悠悠心事欲誰同甚是留侯智與功幸有釣舟藏夜  
壑免教官事縛微躬旬多病假慙虛位獄有繁冤漫  
熱中穩送布帆無恙去小樓昨夜有東風謂諸君  
遣也  
西風吹老一川秋劍水東南送客舟寒鴈遠宿方漸

陸野鳧群聚正乘流飛鳴聊欲伸吾志飲啄非徒為  
食謀通塞既知皆素定平泉何為志窮愁

題建寧府建安堂壁

郡名改自炎興後官事多從五代年草木不知黃落  
候江山渾是寶巖天風時雨若回天漏味厚泉甘覺  
氣全城府自來多險隘高蹤誰躡漢梅仙

謂東山稱梅隱云  
梅福嘗隱于此

子孺腹疾良愈謝全王二醫官全名立夫  
王名貴和

喜向醫林得二髦河魚為祟免憂勞調和臟氣事為  
切護養丹元論更高曾未決旬叔勿藥並驅二豎不  
容逃難忘最是真誠意蒼荷千金恐一毫

活庵方伎若為高濟物心均不伐勞子孺病來方作  
崇脉原者處弱於毛臨機制變元多算勿藥收功大  
可褒自是理明窮隱與不緣潛授老龍韜

非六韜之韜蓋借用孫  
思邈昆龍所授之法也

贈三衢儒醫徐登孫升伯

徐卿奕世傳醫學道濟衢人蔚有功方自千金開壽  
域肱非三折見良工經橫烏几筠籬靜門掩朝暉藥  
竈紅我似病梨無可賦略煩料理少陵驄

又題石橋山

龜阜烟霞小有天半空奇絕石橋山蒼龍背屈雲千  
疊寶月光涵玉半環當局仙人閒遣興爛柯樵子不  
知還一樽醉上山翁馬却逐流紅到世間

繼李昌道見贈詩韻以寄

當年初識歷亭仙青眼相看意愜然把臂喜談天下  
事洗心如聽玉琴絃時文變古多君雅遠馭長駟並  
我先北渚風煙儘瀟洒興來詩思想無邊

選觀亭南叙州總尹張侯所構

閩右江山第一州危欄高倚九峯頭大書快觀凌雲  
榜神化空驚躍劔舟冠蓋送迎無少暇風烟吟眺暫  
相酬曉涼多趁薔薇露醉墨淋漓想未休

九日南劔道中

龜山山長林元和韻有云萬里  
好風南去鴈兩溪明月一歸舟

颯沓弓刀入劔州登臨高出碧山頭松風度嶺吹紗  
帽煙水漫溪送客舟萬里故鄉今得往一年佳節儘

為醅滿樽綠湛茶洋酒空對黃花一笑休

閨雨呈幹臣詩友

四月十一日作  
時閨境祈雨

天人消息兩交通和自羣情雨意濃一旱迄今幾五  
月四民作苦最三農雷燒赤尾空飛電雲捲黃頭又  
變風傳語龍栩栩下客字誠終始要相同  
瞿瞿羣動日焦枯何處癡龍睡未蘇穀未見苗穰可  
望麥方含實勒來無九關變豹無餘蘊百郡承風恐  
失圖試手天瓢僅微恠斯民斯苦果何辜

和幹臣錢神詠二首

解教開難到處行雖云銅臭最關情世緣利益稱泉  
貨時便流行托措生武子矜豪編竟埒魯褒貽笑愛  
如兄細思最是通神處買盡人間事不平

巨室權門坦蕩行反於窮薄略無情散飛庭榭來無  
迹污濁羣心到處生取象有天還有地縱貪無父亦  
無兄存心思革交征幣何處銅山剝可平

芭蕉扇

輕篋如蕉一樣新楮衣筠骨製來勻隔窓雨落驚真  
葉灑面風清來故人嘗羨楚材為晉用却嫌紈素化  
緇塵會當柄在調元手與播南薰解愠民

近讀夜永不寐等作覺清而頗寒吾恐傷  
中和而病吾子也因復繼前韻假辭而薰  
炙之亦晁補之擬騷之遺意也幸 笑覽

燭影紅搖夜色侵香添菱葉鬱重衾鳳琶調軟歌能  
合竹葉杯深醉易沉綠鬢追歡燕市樂翠輝歸夢越



江吟平明刺買扶頭酒不向諸兒計橐金  
夕坐虛窓夜氣侵欲眠還未擁孤衾書因倦讀從燈  
暗物不櫻懷任思沉肥遁世高雷子節清貧時見曲  
山吟舊游相望成三老既老能閒抵萬金

和曲山覓菓詩韻

鼎餗蒸杯一漿平見君曾次匪餅罌屢聞飯糗同鯨  
鼎似要侯封號憂羨靈府天和流玉薤露盤詩思靈  
金莖腹腴踏腕皆吾欲二者難兼恐物情  
貧富因君嘆不平食前方丈對羸罌一簞雖具黃粱  
飯滿豆常空碧澗羹甕料不聞波底語秋光時見鬢  
間莖細思清苦多吾輩愈見蒼蒼責備情

和幹臣詩魔韻

倦懷欲罷不能回啾唧嘔雜嘆歎欸清禁事嚴微服  
入華山峰好倒看來禁持作祟非無謂狂斐緣渠不  
解裁鳥瘦郊寒遺像在至今追想日悠哉  
詩家何苦似魔為遠紹旁搜沒了期鼓舞有舒還有  
慘禁持似醉復如癡鼎邊苦思多窮夜江上寃魂獨  
語時伴老此生成底事乾坤清氣幾人知

睡魔和韻

醺然一氣熱相纏不是晡時即午前翫枕九無所  
濟昏明心境陡相懸見侵多自羣疑後澄治無如一  
敬先不羨老歐能善變化為鸚鵡舞翩翩  
欠呵舒挽速如神不是愁縈即思焚釀就黑甜濃有  
味撓昏靈府闇無聞魂遊纏老三峰客若戰權空七

碗勲經事不為渠所泥邊韶便腹見多文

和幹臣齒痛詩韻

硬啣豪餐養老饕先生編貝若為牢熱流支脉知未  
漸痛拔孤根訝許高縱使舌存宜晦默更堪心苦恣  
俟勞休休事事從輕減急手先須止濁醪

折齒吟自慰

朝來齒折五神驚勢若山為朽壤傾缺豁醜於韓子  
態嘯歌妨畫幻輿情病根何益華池漱五色空傳幻  
術生駢潔浮危雖自取世間何物不虧盈

適見總府應

詔薦章偶得一詩庶明鄙意呈幹臣

齒牙缺豁雪蒙頭更有何心接俊遊一自

詔條頒雨露畫催遺逸起林丘韞藏積玉知無限制  
畫無鹽最可羞經濟斯時公等在此身天地一虛舟

寄胡紫小提刑

蒼顏白髮兩衰翁前歲將翔馬首東常喜笑談猶不  
淺靜思行止略相同閭門凍鎖連江雨瘴海炎吹發  
屋風兩地生還幸無事更何心到炬蓮紅

寄六祖真人

涉世筋骸百不堪只堪打坐老書龕眎難遠矚目全  
眊聽不能聽耳謾耽臂痛帶來梅嶺濕心煩漸染瘴  
江炎客來問訊承佳意蓄縮其如向老蠶

五月八日同幹臣遊耿家池上

偏促城居鶴繫籠綠荷池上暫從容花明淡澹池光

外詩在扶踈樹影中老厭宦遊追俊彥天教閒處著  
踈慵日斜尚約遲遲去散坐高槐酒晚風

和幹臣山居

細想山居有足論既便嘉靖不知貧霜封幽谷收朋  
栗水漲前溪送東薪茂樹坐移隨所適良苗耘罷見  
懷新隱居不見求高意千古淵明最可人

景聯  
曲厚  
樹一作樽  
林交蔭  
鳥聲新

山中有樂試為論石上無禾未是貧溪隔圃田多滯  
穗霜摧林葉自添薪醉談有味漁樵熟野飯加餐笋

巖新大朴散來非復古隱居求志果何人  
一作半道  
間談留荷

黃隔林孤  
露葉新  
朝吟樽  
樽湛  
芳醪  
醞夜  
話爐  
煨紫芋  
新  
遠壠秋  
耕白水  
親秋  
稻日  
研青  
山自  
負薪

隱仕初終絕異倫淵明憂道不憂貧比如違己心交  
病何似行歌自負薪意外風波平地險山間煙景四  
時新此生只向黃塵老笑煞羲皇向上人

和幹臣以目疾詩相做

老來襟抱百無圖遮眼唯便幾頁書不爾心神渾散  
漫豈知目力陡乖踈晚年愈種玄花盛平日豪吞綠  
醕餘氣習屏除元易事急須顛倒坎離居  
常倚精神壯未殊有時豪飲痛觀書形骸未化無非  
苦寢餓其間敢自如赤貫瞳人昏若蔽濕留肩井冷  
難除人憑手眼今如此更有何心望玉除

時往往傳余有  
翰苑之命故云

掃晴婦

今年夏六月初方雨幾六日不止前去秋  
節止廿三日巫晴秋種生發能有幾日又  
諺云秋后一十八日百粒不結已種者為  
雨所拍艱於出壟方種者場土粘濕不易  
耨作兒子輩戲作掃晴婦懸之前簷明日  
開霽因作是詩以見其意云

淡粧烏髻綠衣衫一線高懸舞畫簷  
笑看茗枝揮素手盡驅雲影入蒼巖  
掃晴既出兒曹戲指日何殊艾子談  
百穀近秋苗未立羲和先斂壠頭粘

江山萬里圖

勝覽何人作此圖雄誇天險亦區區  
經營意匠羣工上慘澹風煙百戰餘  
並警相夷喚宋魏舞干來遠美

唐虞只今一統無南北正要懷柔謹厥初

一作指顧漢封真米  
聚連杯秦鹿比山虞

江山列地出新圖限隔東南見與區  
區與校廟謨雖有間細看邊備到無餘  
忌功去介甘捐蜀併力亡金笑假虞千古美  
芹高議在不應成敗論終初

喪馬和韓臣韻

大夫而後不徒行為整囊金市此乘耳  
削秋筠分額鬣臆團孤月映鉤膺長鳴尚  
憶看雲立論力空懷以德稱得失塞翁深  
領會天教閒坐看飛騰

過郭璞墓

青囊書秘造精深葬法人傳冠古今一死  
祗緣撩虎

墓在金山西北大江中流亂石間有叢  
薄鴉鵲棲集望之如蒼雪者蓋鳥矢也

尾孤墳何故葬江心師從鬼谷宜多怪山湧胥濤不  
寸侵世傳江雖大我特回舟酌公去翻翻寒鵲落蒼  
岑一作舟過亂灘無所  
見寒鴉蒼雪滿崎嶇

佛狸祠

江山照眼舒清眺千古興亡墮眼前瓜步市長連野  
戍佛狸祠古慘荒烟柁樓看取平吳日父老空傳飲  
馬年此日不須開濁浪好風多屬往來船

即事三詩奉呈幹臣明府詩友

辛卯六月廿六日作

絲埜苗夷併放驩九官相讓濟時艱閭閻有喜科差  
少煙火全疎傳舍閒雨澤潤寬無遠邇  
詔條 恩溥到惇鯨  
聖皇撫御超前古慶曆元和未易攀

思書一札變虞驩盡草前非免後艱星影不搖天宇  
靜邊庭無事羽書閒震霆摧惡無留枿霖雨思賢到  
有鯨若把古先相比擬周成唐憲敢躋攀

占法云民勞則天星動搖

巖廊吁咈處工驩萬死猶難謝世艱向奉御禿列死  
先令野狸小嚙  
其膚今相哥自請死同禿列為念民若深顧畏  
• 若教汝便死天下人謂我何  
自裁書詔盡防閑求賢不啻飢和渴發政常先寡與  
鯨蟻虱小臣雖片善一時鱗翼盡期攀

今歲自二月至五月凡兩降詔條皆出自聖裁

韓齋小集呈幹臣詩友 辛卯十月十日

十日秋霖不出門偶同藜杖步城根故人雅有平生  
好尊酒時陪一笑溫野菊翻香憐晚節露茵團蓋任

朝暾暮歸欲乞天孫巧却嘆儀曹是妄論

送同仁甫之任武陟

寬則民輕猛則殘化行州縣固應難紀綱綜務見常  
操臺閣推勞不素餐能使絃歌千室樂何憂風雪一  
家寒來辭請益吾何有一札 思書與細看

秋澗先生大全文集卷第二十一

秋澗先生大全文集卷第二十一

七言律詩

溪田晚歸

百物秋成次第芳野人籬落散幽光晚禾結秀爭垂  
露高樹吟秋未有霜瓢飲空思罇湛綠盤餐新喜黍  
炊黃歸時更得笊簷美下澤車輕背夕陽

辛卯重九嘲幹臣周宰

九日寒花不見芳西灣招飲儘相妨驅車共載差元  
約冒雨長行有底忙野吹掀翻縹布帽冷香滂盡紫  
萸囊踏泥踏水歸時晚也道龍山會一場

壽李夫人時九十四歲

帝悅風流見二南洞天真侶記駉鸞慈顏媛婉丹浮

朝暾暮歸欲乞天孫巧却嘆儀曹是妄論

送同仁甫之任武陟

寬則民輕猛則殘化行州縣固應難紀綱綜務見常  
操臺閣推勞不素餐能使絃歌千室樂何憂風雪一  
家寒來辭請益吾何有一札 思書與細看

秋澗先生大全文集卷第二十一

秋澗先生大全文集卷第二十一

七言律詩

溪田晚歸

百物秋成次第芳野人籬落散幽光晚禾結秀爭垂  
露高樹吟秋未有霜瓢飲空思罇湛綠盤餐新喜黍  
炊黃歸時更得笳簷美下澤車輕背夕陽

辛卯重九嘲幹臣周宰

九日寒花不見芳西灣招飲儘相妨驅車共載差元  
約冒雨長行有底忙野吹掀翻縹布帽冷香滂盡紫  
萸囊踏泥踏水歸時晚也道龍山會一場

壽李夫人時九十四歲

帝悅風流見二南洞天真侶記駉鸞慈顏媛婉丹浮

類素髮飄滿雪滿簪九十平頭添二二百齡餘慶欠  
三三今年更覺秋容好薦壽寒花滿菊潭

寄竹林劉隱君文甫兼簡苦齋詩老

蓬萊清淺到揚塵林下幽蘭有異芬萬壑烟霏分野  
色一庵閑地占溪雲鷺音時接公和歎樵隱休驚豹  
峪君儘着青山映華髮東州人事日紛紛

周曲山挽章壬辰三月十五日

四十年来老弟兄忍看埋玉入佳城子輿正斃酬初  
志東野詩鳴豈本情六任在官無少玷一貧到骨有  
餘清易車令辦棺余事猶恐臨行累友生

哀馬希驥

人壽幾何鬼伯催抱羸吁可哀乃知生死有定赴官

處挽斷衣衫喚不回千室望空絃樂一枝風折桂  
林材儀床最是傷心目愁拂春山劍字埃

競渡詩并引

予前年客福唐寓舍在西湖上閩俗自四  
月中為龍船戲舩鑿長木為槽首尾鱗鬣  
皆作龍形以五彩粧繪髹其腹取其澤  
也上坐五六十人人一棹柱面對翻並進  
如箭銃歌鼓吹自明竟夕殊諠譁也大率  
爭取頭標以為劇戲踰重午乃已壬辰蕤  
賓節追念往事偶為賦此且記越俗之好  
尚焉又平時花竹亭館四面環合不減臨  
安故亦以西湖名之



五月沅江競渡頻，遺風此日見東閩。大夫淪溺甘魚腹，舟子招呼問水濱。鏡鼓轟翻鮫室繁，華淒斷綺羅塵曲。終人散青山暮，招屈祠前獨愴神。

獨頭木香塔吉甫索賦

水晶簾外日初長，一架醱醱雪覆牆。艷冷不爭春事晚，香繁還愛獨頭芳。看來玉葉唐昌供，幻出天真號國粧。壺酒風流名字在，醉魂千丈助詩狂。

元夕

斗轉春城送臘寒，暖回千陌紫生烟。春風兩市華燈鬧，夜色千門璧月圓。書卷光陰清議裏，梅花消息喜吟邊。厭厭醉裏南樓角，無復情懷似少年。

和曲山見贈之什

竹林舊友今無幾，白髮歸來對曲山。詩似春雲儘有態，倦如飛鳥共知還。淵明高興羲皇上，葛亮丹衷伊呂間。鐘鼎山林兩無濟，塵埃空負半生閑。

和紫山見寄四詩 正月二日作

百險歸來萬里江，旁人剛羨老能強。閒居苦笑拙，遠宦空成林火狂。少日捨揚猶雀躍，只今蓄縮宛龜藏。絕然却掃關門坐，過簡還疑近子桑。

晉公鐵面耻將迎，天遣汾亭醉六經。麟出近郊休拭鳳，巢阿閣要儀刑。菌搖露影從團蓋，草腐牆根任化螢。天賦美材終大用，不然編簡為誰青。

一作大器晚成，疑定義。

山立揚休見老成，輜車風采動蠻荆。兩鄉相望三年別，四海論交六日兄。諸葛奇材如汝滯，漢庭公議欲

誰明只將健筆凌雲句亦是詩壇不朽名

一作望君重為斯文惜一頌寧堪以酒名

七十人生所事休莫將閒惱蹙眉頭看來世運恢恢  
網剩却孤懷悄悄憂肉食廟堂均一飽笑談樽俎更  
何求樂章聽徹醒還醉夢繞黃壚憶舊遊

立春日五詩正月初九桃上作

今年春晚暖何遥庭院輕陰鎖寂寥香散南衙牛已  
碎冰封北岸凍微消老逢月閨憐多日前去燈宵不  
五朝居士病來花不染閉門詩思苦相撩  
安心風旆 搖搖且着清樽永此朝詩句得吟如有  
助生涯無幾強顏料平生肉食聊爾耳此日蔬盤更  
寂寥休笑少陵垂白老還家曾散紫宸朝

是年元日立春予時為待制同百官望內廷西北

曲山一病保無他卧老行厨閱歲華貧富較來元有

分鄉關歸到却無家粥盂得味憑藿羹詩陣無前聽

鼓柝早晚黃調調被底醉頭舒出使排衙暗用文潞公宰翼城

詩意

輕裘錦帶佩吳鉤曾作江湖萬里遊彩仗春煙縈越

省為是年繫牛省中梅花詩興醉揚州在家貧好誰餬口萬

事癡如慮破頭收取琴書林下去蓋頭茆把要先謀

為子孺欲起綠稼軒故云

立春節物最風流釵燕蔬盤闕獻酌暖律潛回交泰

瑄香塵飛散送寒牛令龜有喜迎新歲任運何心接

俊游鬱鬱林梢看紫氣悠悠吾道付滄洲